

lòh-khì tâi-á-kha kap cha-pō-lâng “sin-thé hō-tōng”, kui-tiūⁿ ê phòk-á-siaⁿ, hoah-hiu-siaⁿ, hō góa lak jip-khì “chiú-tiàm” hām “niau-á-keng” ê khong-kan lâi-té, kang-hōe kàn-pō kap ôan-kang 1-ê 1-ê piàn-chò siau-hùi cha-bó-lâng sin-thé ê lêng-kheh, sió-chiá tī lêng-kheh ê bák-chiu chêng thng kah kng-kng-kng, tī in ê sin-khu téng-kōan nò-lâi nò-khì, siàu-liân..ê tòng bē-tiâu, phīⁿ-khang-hoeh sūi chōaⁿ--chhut--lâi. Soah-tiūⁿ ê sī, thiaⁿ tiòh 1-ê kang-hōe kàn-pō kā lêng phín kóng: “Chhiàⁿ chit-thōan chiaⁿ bān-5 khō niâ, lín nā ũ su-iàu, ē-sái chhōe..góa, góa kap in chiáⁿ sèk.....”. Góa 1-sī pun bē chheng-chhó sī tī kang-hōe chiaⁿ bóe-gê, á-sī tī “gū-bah-tiūⁿ” hō lêng chau-that?

Pān chit-chióng bóe-gê, tui cha-bó kang-lâng ê chun-tiōng tī toh-ūi? Kang-hōe sī kang-lâng kàu-iók kap chiàn-tàu ê chō-chit, sī beh thiau-chiàn chit-ê thé-chè, siā-hōe tui cha-bó-lâng phīⁿ-siūⁿ bô chun-chhūn, tong-jiân mā sī thiau-chiàn ê tui-siōng, chit-má ê lêng sòa piàn-chò chhui--nih kóng teh chò ũn-tōng, hiān-sit seng-óah tian-tò teh chau-that cha-bó-lâng.

Ūn-tōng ê gōan-che^k sī tī seng-óah tiong kiám-giām..ê, chò..ê kap kóng..ê bô it-tì, beh án-chóaⁿ kā lêng kóng lí teh chò ũn-tōng? Lí ê jīn-keh beh án-chóaⁿ hō lêng sìn-hók? M̄-bián siau-hùi cha-bó-lâng ê sin-thé liáu-āu, chiaⁿ koh khan-thoa kui-tui lí-iū lâi póc-hōe, ka-kī to bô-hoat-tō kian-chhī ũn-tōng ê gōan-che^k--a, beh án-chóaⁿ ín-tōng Tâi-oan kek-bēng ê éng? Chò ũn-tōng bô siáⁿ, ták-ê lóng ē-hiáu hoah, tiōng-iàu..ê sī lí án-chóaⁿ kā lí-liām lók-sit tī

seng-óah--nih, kek-bēng chiaⁿ sī ùi seng-óah tiong khai-sí!

(Chok-chiá sī TGB Hak-seng Tâi-oan Gí-bún Chhiok-chìn-hōe sêng-ôan)



Tâi-gí CTT

Tiūⁿ Chì-jiū

Kóng Tâi-gí, ôe Tâi-gí,
Sim-sek hó-thiaⁿ koh chhù-bī.
Sio-chio tàu-tīn lâi piàⁿ-sì,
A-bú ê ôe khiā hō khí.
M̄-thang khêng-hun lí, góa, i
Kāng-sim Kap-chō bók tiū-tī.
POJ chhut-thâu ê jit-chí,
Ūng-bāng chiū-chāi hiān-chhú-sí.

